

曼

谷

亭

後

集

谷

饒欲亭後集卷八

壽陽祁寯藻叔穎

古今體詩五十七首

可己

少泉和除夕詩成漏三下勉爲報章已隔歲矣

我詩聊餞歲君詩乃永夕更漏亦有情都爲詩人惜客思
藉排遣老懷亦可釋同居逆旅中百年皆過客問客何所
爲奔輪任鞭策豈知赴壑蛇飛行不留迹

今年歲在己

人皆謂

守黑孰能知其白紛紛干羊皮誇彼一狐腋烏倦翼先垂
魚勞尾更赤但令璞在抱不慮薪徒積今夕一何長浩歌
繞檐隙多才信足倚那復論斗石側聞

寬大詔重疊沛

恩澤

年前復有

三壇

祈雪旨清刑展賑

又報楚師下乘勝如卷席吾儕

幸無事醉舞倒巾烏擁鑪楸紅埽徑琅玕碧人情重聚
散春氣易歡懌何況兩龍劍遭逢詎終隻志與寸陰競義
不爲枉尺君詩咳唾成於我心實獲炳燭且相從殘年敢
虛擲

元日簡勿齋

一千里外平安社

里居社名

六十五年淡蕩人因病得閒三餞

歲在家如客兩逢春

今年立春較遲

寒鐙相對詩爲伴舊雨頻來

酒漸親獨我與君無箇事門前流水似車輪

書巢再疊前韵荅少泉并簡研鄰

靖節好讀書素心共晨夕士行勤運甓每爲分陰惜吾生

步世早憂患老未釋卽今病廢學對書如對客譬彼伏櫪
鳴羶盼不堪策又似僵蠹魚食字空餘迹南軒數弓地窗
紙虛生白更闢西南戶屈曲開右腋竹影倚寒翠梅圖點
新赤居然號書巢媿無萬卷積古人論爲學如日窺牖隙
或顯處視月南北互衡石南人之學如牖中窺日北人之
學如顯處視月一精微一廣大
也其實止一理萬派歸巨澤誰劃漢宋疆苦奪談經席君
方運郢斤時復吟莊舄請看黃叔度萬頃凝澄碧宅心旣
醇粹吐辭亦輯擇老我秉燭行形影恒畏隻明知學愈愚
得寸而遺尺居鄰有二仲舊聞啟新獲但愁江錦盡不羨
班筆擲

新正四日早起微雪三疊前韵

薄莫寒漸增層陰暖將夕連宵風亦倦欲雪天猶惜夢回
鑪火存坐久硯冰釋開門忽驚喜如逢久別客舞空訝綏
綏埽徑聞策策林鳥噤無聲瓦雀飛有迹須臾點窗明散
漫鋪地白危飄破籬角暗集古牆腋冬山慘如睡荒野凍
已赤似聞遺螭種或慮愆陽積

壇殿數祈禱精誠靡閒隙展賑傾神倉清刑達肺石協風
引和氣釀此春前澤

南郊方夙駕宣室尙前席花生侍臣衣雲擁公孫鳥草芽
萌舊青萸柳染新碧豈惟土脈滋定識

天顏澤閒鷗亦得侶病鶴不愁隻飛牋告滕六更乞澤下
尺閏歲春尙遲先難後當獲且吟催雪詩餘事拚弃擲

勿齋和余元日贈詩有大几明窗無短晷鑿山泛海
有閒人之句再次奉荅

豈不懷歸仍作客偶然得句尙驚人故交落落新年雪長
日遲遲閏歲春卻病始知方藥貴忘機聊與簡編親細思
往事皆糟粕還欲從君問斲輪

荅少泉和唐花

前日看花因憶雪六花何事故遲開春風只解催紅紫可
許漫天作絮來

天公豈爲天葩惜凍日凝雲不放開獨有盆花偏得意年
年爲惹早蜂來

李文正慈恩寺詩文衡山西涯圖合卷爲葉潤臣閣

讀題

井序

西涯圖文衡山爲長沙李文正作也文正致仕後於
正德九年與文宗嚴太僕喬白岳禮部昆弟爲慈恩
之遊賦詩四章感舊紀事屬太僕姪衡山寫圖大小
凡二圖成而文正已捐館此其小幅也與文正詩卷
連袞喬跋詳記顛末時白岳已爲大司馬矣後有康
熙年間仁和湯西厓右曾跋并次韵詩咸豐六年八
月潤臣侍讀持以示余余復從侍讀假觀詩龕居士
存素堂文集記文正居陟別業祠墓甚詳其西涯考
多采取湯跋又跋蔣湘帆影摹西涯詩帖及西涯跋
詩并云於蘇齋觀石田移竹圖又得文待詔西涯圖

摹本蓋卽從此圖臨摹者十二月侍讀復以蘇齋屬
石門方蘭士薰之友陳默齋所摹西涯別業圖并朱
野雲鶴年補摹成齋竹舫圖

陳瑒字玉汝長洲人官
南京都御史西涯門人

合卷見示翁詩有豈執衡山卷似無之句蓋亦未見
文蹟也侍讀獲此二妙可謂翰墨奇緣矣

慈恩寺接西涯西涯門外沙築隄停雲一片照積水至
今煙樹猶淒迷懷麓老人老安歸案無魚菜田無畦惟有
門生數來就尋秋時復尊酒攜酒酣得句晚鐘外層樓秋
色不可梯瑤琴三弄意未足曲終一奏神尤懷豈惟釣游
感今昔亦因時事傷羈栖南山猛虎誰敢射湘江鷓鴣空
自啼當時賦詩寓鶴歎更藉妙繪留鴻泥圖成人去客悲

慨潭柳不聞班馬嘶孫叔衣冠子孫落晏嬰市宅塵土低
祇餘卷尾數行跋珍若截肪十襲緹文章領袖擅前代楊
李大名先後齊卽論篇翰見風操湖州畫待坡公題後來
西厓尙傾慕詩筆雙絕超凡蹊鳳閣家藏有夙好袖出萬
頃青玻瓈方朱兩本並落手墨緣直欲誇覃溪對山偃蹇
茶陵病史論自公堪互稽我從詩龕證詩境豁如銀海遭
金鑷石田移竹雖未見拙老油墨無煩齎蔣湘帆衡以油
紙影摹文正詩
崢嶸鄉思忽滿眼白岳遺墨曾攀躋喬莊簡宇吾鄉先輩
今平定孟壽樂手山

中多白
品題字

蘇齋摹西涯別業成齋竹舫雨圖合卷用蘇齋韵再

題二首

偶因移竹寫新圖

石田有西涯移竹圖

便認西涯作五湖壇坵風流

人去後墓祠華表鶴歸無

翁詩注適與梧門蕙麓記西涯墓作補碑圖

登門自

昔推仙李尙友伊誰繼寶蘇一笑停雲真本在故吾可許
證今吾

半舫齋前送客歸沈

石田

吳

匏菴 酬唱後來稀卽看對坐

吟瀟碧真欲攜壺上翠微畫妙通神宜合傳墨緣過眼總

忘機聞君海子橋頭醉指點平泉孰是非

潤臣與同人近爲積水潭之遊

勿齋題余詩集長言詠歎情見乎辭次韵志感

人生行止孰輓推霜雪變盡滄浪髭嗟我何爲以詩老君
老爲詩乃更奇憶昔埋頭伏里塾君固茶苦吾豈飴四十
年中宦味薄有如不飲司尊彝看君爲郎至開府案牘鉅

細無或遺八年身行五萬里白頭吟望仍低垂君豈欲以
詩鳴者而我讀書空下帷蠹魚老死不自飽妄意天下由
已飢少年負劍走隴右登高望遠論邊陲是時衛滑方有
事投筆欲請長纓羈翰林官職雅頌亞豪氣乃化爲委蛇
天門無階海無涯敢以窺測憑管蠡漢殿雍容厠班馬虞
廷拜舞陪皋夔南車偶指越裳氏東道更訪高句驪歸來
歲月幾莫莢夢覺花木皆瑤琪故山松楸再揮淚石田茅
屋餘荒基蒙茸但擁一狐腋談笑那卻千熊羆海客槎回
入牛斗十年南國多旌旗師老饒糜逋寇在時窮法變羣
情疑雀鼠自肥貍虎臥計臣無計徒攢眉亦知艱難忍槃
錯欲以廉恥存綱維驚鴻銜鎗沒何處病馬伏櫪將安之

平生憂樂寄文字晚歲聚散增懷思
兩翁無聊且相對一字有幸真吾師
小詩君應笑洛社大雅吾欲賡淮夷
江漢雷霆召伯績明堂玉檢韓公碑
秋蟲細語何足聽饒歌自有春風吹

立春日感懷

冬雪迎年少春盤會客遲遙思拾紫節已及上鐙時
吾鄉十日謂之拾紫節演劇張鐙較元夕特盛正月
勝吟望只低垂

消寒六集分詠得春游一首

三年獨臥青槐巷數里稀過白紙坊
惟有街西兩蘭若偶因飯後一相羊
月圓漸喜元宵近春晚纔知閨歲長
藤杖

不須矜爾力看吾腰腳門兒郎

十春詞

春盤

茗盃香鑪度歲寒世人猶認作仙官豈知白髮鄉祠裏已
許先嘗棗栗盤

吾鄉元日謁家祠畢設春盤於東序惟齒尊者入坐不論輩行也

春酒

西山影接太行青別酒曾傾雙玉瓶一樣屠蘇三處醉不
知何處醉難醒

三兄在里大姪在長子三姪在文水

春勝

羞將雪鬢門朱顏留取花枝付翠鬟爲報春閨雙燕子今
年戰士錦衣還

春帖

退歸已似舊桃符

朵殿椒屏記得無七十六言三十冊媿無諷諭繼歐蘇

南

齋翰林歲進春帖子詞五言截句一首七言截句二首用黃表朱裏小冊陳懋勤殿案上憶自道光初元入直前後三十餘年矣椒屏亦春帖類蓋嘉慶年間故事也

春衣

休論年瘦與冬肥觴詠聊從點也歸卻笑秋風吹去後春

來翻得換新衣

戲指去年八月事

春牛

宿麥青青春麥柔嫩寒消盡出犁溝年來辛苦隨鞭策
海於今不帶牛

春鳩

曾是金眸玉爪材因時變化果誰催
世間巧拙元難定且向春林喚雨來

春蠶

幸藉條桑得免飢三眠三起敢違時
將身作繭尋常事到死仍餘未盡絲

春雁

遠游也似客初歸羨爾隨陽得所依
偏是秋風汾水上年年空憶雁南飛

春游

四十年中十萬里滇黔蜀道未經過
爾來別有心游法柰

此歸雲倦鳥何

雪夜早起

正月十四日

老人學晏起起已先林鳥今夕若有思堅臥不得曉夢回
更櫬急坐覺窗戶皎春雪雖稍遲微陽續冬杪譬如病求
藥治本察其標精液幸未枯蕩荅力堪矯或云不宜麥蟲
孽難盡勦用廣韻試看土脈發終勝原火燎爾來苦錢賤市
賈日紛擾何時洗甲兵所冀占旃旒閉門高枕在久已睡
眠少惟此耕稼志時復憂悄悄家人笑秉燭無事白纏繞
我詩汝豈知欲寄張京兆

鳧薊少宗伯見和歲莫之作再疊前韵報之

辛祈典禮舊曾諳雪積林巒月映潭

今年次辛

祈遙想

千官迎道左卽看萬騎出

郊南閒因病後詩逾健老覺春來睡不酣

先生時有期服

白髮禮

臣應懷望駿奔執事尙能堪

綠綺離絃我昔諧十年孤影對寒潭馬嘶尙戀關山北燕
壘空餘海淀南獨羨松筠凌雪茂不隨桃李借春酣張蒼
自是圖書史百歲仍爲漢相堪

孔敘仲

憲彝

舍人致經堂圖

君爲致經堂更以韓名齋韓公尊孔氏非經訓必排其言
有本原如河濟江淮漢儒匯厥流宋儒循其涯上下數千
年劍氣不可埋藏之古壁中當與金石諧登堂見禮器得
神遺形骸大哉聖人門以韓爲梯階君欲致古訓煖姝非

其儕還當坐小齋顯處視月佳羣言衷諸聖不使大義乖
雅言求諸經詩書執禮皆

韓齋雅集圖爲孔敘仲題

戴侍郎作

戴畫吾有三山水多平遠西山

雙橋精舍圖淀園作

與西湖

去年自錢唐寄

小幅兩地情繾綣獨有憶松圖

爲吾鄉方山作

雄秀爭絕巘此圖酷

相肖陡筆無一偃

白題云密林陡嶂

自云師造化意匠闢關鍵韓

齋文字飲望雪迫冬晚蒼翠忽飛來寒林出高蹇卽此抵

寫真忘形到嵇阮竹亭疑聽雨誤筆乃更婉

欽仲卽以此爲雅集圖姚

伯昂前輩誤題爲聽雨

雅集拗新例奇緣增藝苑九年三上元題句

何宛宛頗怪畫通神若與時推挽足音在空谷幽芳託蘭

畹亦何必見戴乘興聊往返

戴鹿牀以上元日生畫作於己酉上元葉潤臣題於甲寅

上元今年上
元余適題句

上元後二日南軒見蝶移於北堂盆花上經夕不見
病叟知春晚微蟲得氣先黏窗疑墜葉著袖似浮煙雪積
前軒冷花餘小室妍漸含飛動意聊試轉移權入夢元同
幻依人亦可憐重簾留不得恐是太常仙

太常寺仙蝶
時來往人家

消寒七集題憶松圖二首

五十年來影荅形眼中山色夢中青萬松圍住三間屋可

是馮仇弟二亭

那文毅曾爲余書
馮仇弟二亭額

鹿牀居士謫仙才借我離愁付酒杯十載孤山鶴飛去孔

賓何事不歸來

錢唐戴侍郎道光二十七年爲余作憶松
圖今侍郎高隱已及十年而余仍以老病

留滯都門
展卷慨然

柳谿寄元旦詩次韵卻寄

新年好句屬閒官
春入山城氣尙寒
悵無華知政簡
催科不擾得才難
飛箋宛接仙人舄
論事猶披壯士肝
十載幽蘭在空谷
雅琴定遇賞音彈

夜夢得句醒足成之

東風解凍魚吹淥
南畝耕煙麥吐青
正是春游行樂處
半窗斜月夢偏醒

詩船慈仁寺雙松圖頃爲偷兒卷去以詩見示次韵戲荅

雲自無心月自閒
畫禪詩境偶相關
明知鱗甲能通變
故遣飛騰爲破慳
繭紙豈隨蕭翼去
滄洲仍送虎頭還
巧偷

未必能豪奪更補松寮雪後山

戒師欲於寺後起七丈土岡復毘盧閣舊址借詩船
韵頌之

老僧不放景光閒種樹移花晝掩關猶爲登臨歎塵劫徑
思披豁露天慳願深那計年遲莫居近何辭日往還會待
眼中來突兀隔城招手得西山

鳬薌前輩示近作賦荅

今日風日晴火鑪尙餘寒午窗坐假寐閉眼觀鼻端臂痛
幾廢書醫云風在肝春氣狎孱軀攝生良獨難忽枉珠玉
句美哉直而寬學養見情性感慨餘悲歡

四朝數耆舊

先生今年八十六歲

九列儕鵷鸞偶然得澣沐巾月調

眠餐參語思賢聞道冲能達觀近已拈老筆研池生微瀾

灑灑二百字清芬披幽蘭

病起口占五首

酬酢到後學

和編修張尙眉洵詩

深思託柔翰中有驚人語懇懇追杜韓賤子少廿歲寒竽
澀將乾三疊尖又韵氣衰力已殫載聆陽春曲援琴不敢
彈報以下里歌歌鄙心則酸吳楚尙干戈老成國之磐年
豐兵氣銷賢才惟任官

宵旰方殷憂偃臥焉得安每恨蒲柳姿幸望喬松蟠詩成
臂欲折想見顏渥丹

先太夫人忌日感述寄三兄

正月二十五日

陳情志未遂貽此終身憂升斗亦何裨不得親彌留每念
此日苦胡爲事遠游憶昔聞喪初居此城南陬纒經不及

待星奔如逸囚弔者及門反鄰人擁牆頭送我銜恤去倏

忽二紀周昔爲強壯子今爲衰病叟向時登堂客大半歸

首邱有妹過六十

平定張氏妹今年六十一

兄年八十九秋

兄今年七十二

六十

吾又五已與先子侔兄算亦過母

先大夫享年六十五太夫人享年七十一

貞

疾天所僂骨肉餘三人逝者骸未收

六弟樞尙厝金陵城中

前年兄

暫來臨別淚並流吾妹去年至謂兄疾似瘳千里馬頭月

聚影良難謀太行雲萬重鬱鬱隔松楸吾豈無家歸江漢

兵未休餘生幸不死願覩方叔猷今日吾家祠知兄陳膳

羞扶杖尙能拜子孫衣共摳吾亦著冠帶堂北洗酒甌吾

妹記侍疾欲言聲哽喉使我肝腸裂雪涕煎雙眸小孫侍

翁食怪翁顏色孳翁言問爾父或當悉其由人生百年中

事遠情亦悠惟此劬勞恩萬端無一酬作詩報吾兄同氣古所求

竹軒族兄

身正

寄哭六弟詩感慟答之

詩不能傳畫未工江天極目但青楓

余有哭幼章弟詩四篇并寫江天極目圖

欲知歐血臣心苦盡在金陵一疏中

江漢東流去不同招魂何日得歸來聞君灑盡寒窗淚應爲吾家惜此才

消寒八集呈夢巖先生並簡心園亮功世講

莫道山川遠間之太行祇在白雲陲定知粉社鳴珂處正及椒盤進酒時小別送君千里月兼旬欠我兩年詩雪泥蹤迹鄉關夢卻望飛鴻有所思

正月晦日有感

季弟諱日

城南臥病將三歲江上愁心已四年歲歲春消殘雪裏年
年淚落早花前花飛尙有成陰日雪盡還逢作雨天天若
無情人不老何爲此日獨潸然

次韵顏夏庭

培瑚

侍御見贈二首

蒲柳衰姿媿豫章幸依葵藿向朝陽

龍光每捧雲牋燦鶴俸空霑玉粒香尙念哀鳴飛野澤那
堪羸病服驂襄十年仰屋曾何補對影君看鏡裏霜

腹笥便便羨郝隆搜才早已徧岐豐義冠合稱昌言職陋

巷猶存樂道風金馬論思應未厭花驄行步不求工詠歌

難遣閒愁去聞說寒郊有轉蓬

愁去詠歌頻魯公
送耿漳拾遺聯句

詠折枝瓶花 二月三日

如煙如夢隔窗紗，裊裊亭亭雙角丫。
道是無根偏有恨，生來只作膽瓶花。

小孫女端兒是日以痘殤

說夢

少時嘗夢至一處，朱門楹桷如禁署。
一青衣導入重門，寶殿當中夾陛桓。
東階下有修人臥，頂南踵北數百步。
不知何時已入夢，兩睫塵封鐵生鑄。
旁蹲大鳥頭入雲，仰睇殿脊見其喙。
鳥忽低頭示余意，勿驚鼾睡觸彼怒。
余雖不言意暗解，急趨上殿不同顧。
空中高現諸法相，羣怪奔走非繪塑。
余時脈定百念息，更無罣礙無恐怖。
遂開北闌得深院，草長蔽徑曲闌護。
西廊少年擁剝坐，玻璃隔窗鑲煙霧。

清曠不轉語微會本無所著於何住旁舍三楹書負棟脈
望守之不敢蠹手疲目勸讀未了窺東門闕見歸路回頭
一笑緋衫郎相送拍肩宛夙晤期我五五更來游口前截
斷若有悟從此一夢二十年閉眼不覺神已赴修人大鳥
都不見惟有書室靜如故卽今老矣猶讀書舊夢無痕渺
難遇觀齋應作如是觀夢中說夢無字句世人亦說夢爲
妄乃以妄念爲夢誤若知夢從何處來便知夢從何處去
此五十年前舊夢也每年必夢數次皆從東角門書室
出入不經中殿而西廊少年熟視迄無一語至廿五歲
後不復作此夢矣咸豐七年二月三日觀翁記時年六
十有五

金樓子聚書篇題後

龍文玉軸八萬卷豪奪巧偷四十年不識隋家經籍志劫灰會否得遺編

高誼篇訓陳勿齋表弟

千金投贈古所重於解組後尤爲難何況清風三十載毀家早已輸之官君雖罷官子通籍孰得孰失可以觀世人咎兒不自量尺蠖之伸由屈蟠太邱積德已綦世子舍中茁芝與蘭六旬就養羨偕老健步時復思據鞍嗟余長君僅一歲眼花臂痛精力殘紙閣蘆簾久宋寔江雲海月空悲酸蔭及任子老且病臥糜廩祿心何安而君乃復念樽朽一紙豁達傾肺肝將謂交游親故少更憐骨肉形影單

饋余薪米貴并博恤季弟

伯夷之粟延陵劍古來高誼雲霄千開緘再

拜謝不敏受施豈敢忘素餐方今錢賤米翔貴欲推所惠

周飢寒

近有大員捐米平糶之議又五城捐窮代賑卽以此款應之

餘力猶堪辦鮭菜

君來不愁杯酒乾近聞楚軍已東下白門日望歸旄丹麥
舟倉卒幸得濟魂魄離散終當完感君此舉邁流俗使我
揮淚增慨歎世間雲雨手翻覆援琴欲向何人彈老懷枯
澀乏瓊報春色那肯來豪端

荅顏侍御詩誤題月日書此解嘲

絳叟空疑亥桃源不記春君看玉階上萸葉幾番新

李益詩

侍御六月大小詩云故人爲柱史爲我數階黃

題黃河圖

黃河落天上天漢本澄清一出昆侖後人間風浪生誰能
問清濁曲直自分明

宗滌甫給事

稷辰

將之東河工次賦詩贈行卽題其

詩集後

越峴山人今給諫居鄰舊雨往來慣左臺鶚薦屬老成東
國河流待安晏今年春遲似惜別楊柳初黃花未綻多病
朝車已久懸一尊祖道無由辦客秋示我詩盈篋經史紛
綸互貫串每思點筆輒自媿寸筵撞鐘母乃慢君文壁壘
出韓門詩亦從衡得梯棧早從騷客拾香草晚抱牙琴想
幽澗力追險絕歸平正枝葉浮華悉鉏鍤立言尙恥躬不
逮兀坐空齋見真幻

躬恥齋詩草前後
見示二十五集

果然聲價重臺閣

不獨星雲歌糾縷爾來縈疏論時事隱與

朝廷共憂患江湖未斬跋浪鯨中澤忍聽哀鳴雁一言豈
弟荷

知遇百爾靖共紆顧盼方將讓功不避過豈以迂濶防嘲
訕

綸言詒誠彌感奮豸服巡行敢欺謾河間侍郎金隄使

李夢

韶河

直道相知定無間久悲汜濫民爲魚縱有犁鋤泥沒

骭宣防自古賴籌策精力於今困游宦此行莫云驄馬瘦
忘機奚問冥鴻篡似聞河南夢已種卻望淮北甲猶擐君
無遽懷鑑湖曲我尙未歸石艾錢會看天弧掃欃槍重築
漕渠翦葭薶東去人迎白鷺車南歸酒有嘉魚汕乘風破

溲老益壯

紫詰黃麻舊兼綰獨憐過門少車轍猶自呼僮樹籬柵

所晏

切詩成儻許附驥尾它日不羞鵬笑鷗

釣磯立談題後

書止一卷作者自稱曰叟不署姓名十國春秋南唐諸書皆以爲史虛白

撰其言江南興廢事甚備虛白字畏名臨終謂其子以元宗賜酒爲殉鮑氏廷博据自序使小子溫成誦一語疑爲虛白仲子之筆然山東隱君子一條末但云不仕未及臨終遺命則似非其子追記也

不願留名向釣臺割江一賦總堪哀便教醉死廬峯下猶

戀南朝酒一杯

春分前一日雪

二月二十四日

陽氣滌凍塗網緼已三日如何春及半猶見花六出天公潤萬物風雲爲輔弼能司雨雪權豈無轉移術雲師從風

伯奔走不遑逸靈霖雜雰雰神功未易詰老農負耒歎望
澤敢求溢亦知飢渴久生死難自必及茲事春耕黃犢猶
可叱但祝東風來吹面不寒栗雨雪皆土膏何者非恩恤
青青隴上麥鬱鬱行復茁春雲滿西山花柳如絲密

孫駕航閣讀見示蠟梅長歌賦荅二首

江城三度臘嘉平笑倚黃梅眼獨明誰向西堂尋舊句每

因南雁寄離情

曩在江陰使院有蠟梅詩

高門錦幄圍鑪看

鄭邸一株高出檐角

冬覆以屋鑪火烘之其花特盛

小巷柴扉策杖行

下斜街居鄰花市

兩事蹉跎一

春夢蜜蜂無計醉先生

羨君彩筆發仙姿能寫蘇黃絕妙辭紫陌已開驄馬路碧

梧仍借鳳皇枝

君時記名御史

巴江幾處曾題柱

前年典試四川謝聖

頻年尙奕棋聞重庭符卿尙書願養安善桃李門前春似海白頭親見種花時

太常仙蝶圖爲駕航題

仙蹤夢境兩無猜鳳閣留傳粉本開一笑相看似相識雪

天曾到竹窗來

今年上元後見蝶與此圖宛肖

孫萊山編修

毓汶

見和蠟梅詩次韵奉酬並簡駕航

令姪

如意門東春水平看花時節已清明夕陽無限煙波思舊

雨難忘尊酒情

昔年與尊甫同年尙書澄懷園同直今並歸林下已三年矣

閒裏觀書

慵點勘病餘作字誤真行玉谿錦句煩投贈

君頗喜應笑義山詩

年來太瘦生

蒼茫巖壑轉春姿磊落胸襟吐麗詞金石千聲還並奏
移華四照本連枝君昆弟並一甲高第驚人自有凌雲筆願我真如退
局棋聞道玉堂方給札近詔詞臣三十人分寫文選君與其事願書金鑑荅
清時

後集卷九

壽陽祁寯藻叔穎

古今體詩四十九首

丁巳

竹闌

南軒北窗下有竹數十竿芳椒間丁香竹外地稍寬穉槐
牆西隅逼仄礙檐端乳犬銜墜籜奔逐如沸湍箭倒筍復
折勢不得上攢可惜森爽姿蕉萃叢半殘病翁顧而歎孤
立良獨難課僮翦枯木密插橫爲闌移槐井之眉得所斯
兩安汲水聊灌溉春雨久已乾灑然微風來動搖青琅玕
亦知翠袖薄茅屋幸尙完青青陵陂麥犁鋤力已殫念爾
免蹂踐循闌行且看修柯信不改相與期歲寒

痘詩付彭孫

丁巳二月二十五日

北宋前無治痘方字書孳乳亦未詳董君

汲

斑疹論已佚

周

密趙賓陽

數語其濫觴斑犀玳瑁髮髯似陳家小兒

醫

花面妝元明以後診法備仁端錄始徐仲光

明徐謙

探索

羣書著理辨專門繼者邢門汪

機明人著痘症理辨

大抵胎元主一

說歲氣之論初於黃

元御國朝人

以上見四庫全書

或

云武谿蠻流毒薏苡傳會殊渺茫

李時珍說

或云染自遼入汴

時醫口傳難校量人情耆欲如沸湯以酒爲漿妄爲常卽

謂先天氣所稟何至近代疾始彰若使歲氣由溫疫何以

一發不再創疹雖似痘痘非疹以今攷古數典忘竊疑古

者重改火鑽木以時傳燧皇施諸飲食逮乳哺襁褓或免

瘡與瘍木火究殊石火烈縱有疾病差易防清明日賜百
官火古風沿襲終李唐宋初此舉尙不廢石泉槐火存斷
章自從石火取攜便木乃休囚火遁藏星吞電吸灼肺腑
冬愆夏伏乖陰陽遂令二豎巧乘隙出入鼻息潛膏盲虛
實攻補議蠶起百草亂門誰敢嘗金童玉女環守牀求醫
不得祈神禳時俗小兒出痘必祀痘神豈知中醫常不藥和緩孰是古
之良仰瞻金鑑補造化種痘有術同蒔秧欽定醫宗金鑑有種痘一門
庶幾十全百不失物無天札天降康昔我孩提今老蒼抱
孫就塾若有望先時培植病未遑猶幸醫藥慎所當俸錢
獨媿民流亾保赤無力心暗傷期爾黃犢頭角強它日爲
翁勝服箱作詩念哉孫彭郎

送雷少泉訓導之官鶴峯

昔歲在壬子君來顧吾廬樞直事方殷一歲三移居其時
寇北奔自粵及楚吳慘黷日萬變羽檄飛江湖君悲黃州
守知己忽云祖投筆出國門念我手足孤再來我已老臥
病城南隅執手各揮淚往事難重臚側聞高堂健鄉樹森
門閭又報楚氛淨墟里無萑苻一第何足論經師世所須
觀君精悍色眉間黃氣敷文章如波濤一瀉千里趨如木
堅多節華實交相扶乃知真性情中自有坦途吾衰欲焚
硯力不能箸書徒抱幽憂疾久無酬唱徒舊交忘形骸佳
句時招呼忽誦留別詩使我心踟躕杯酒日以疏歲月日
以逾雲龍會相從金石終不渝夷陵古名郡五峯亦奧區

君歸奉安興流覽桃源圖

鶴峯或云卽古桃花源

烽火不到處山川

清且腴幸無惜尺素爲寄雙鯉魚

借戒公竹院過夏詩以訊之

寺前老松能漏月寺後叢竹更藏煙東頭一屋人不到可
許來參玉版禪

清明日看桃花次少泉和世長韵

晴川赤壁埽烽煙旅思愁懷一豁然壯志何曾銷劍氣冷
官況有看花緣酒從萱草堂前醉人比桃源洞裏仙笑我
衣塵猶未浣雙松春盡坐枯禪

詩舫少宰以說文統系圖雪浪石圖見貽皆嘉定程

穉蘅

祖慶

摹本也走筆謝之

怡園示我兩幅圖無礙居士手所摹說文宗許逮後儒雪
浪銘出眉山蘇懸之坐右拜且趨石不能言笑我迂迂哉
乃有襍劄子退筆塗抹老未已空谷寔然心獨喜聞道怡
園花開矣作詩賀翁謝居士

次韵宗滌甫顧祠修禊

逃名誰識主年老別思秋江餘畫稿弔鶴空歸曲沃園浮
家莫問崇明島當時兩馬載書卷周覽中區恣搜討都門
古寺偶停驂歷下東湖旋就道至今遺蹟人尙思對客炊
羹事堪攷以上見張石州所輯顧譜離披書帶想階阼鬱勃虬枝動鱗
爪先生精靈何所寄落葉荒榛不可埽糟粕空將蝨簡求
弋羅仰視鴻飛藐繡衣使者老給事騎馬避人焚諫草猶

登禮堂肅瞻謁共薦溪毛勤采芼

集韻三十二
皓收芼字

腸詠恍依

蘭上里雲山直接花蒲保

崑山
里居

羣賢蓮社荅形影

是日陶
覺鄉前

輩在

滿坐龍門歎淑皓春遊城郭天氣新歸路林花詩句

好猛思江海多旌旗不覺風塵雜襟抱郡國誰尋利病書

功名且試河山表白頭吟望獨低垂無復飛騰馳翰藻

春晚黎城王英齋

發越

平定陳勿齋

士枚

潞城郭雲

亭

驥遠

小飲春草廬得句

停雲不隔太行西潞酒盈壺勸客提攜向尊前聞布穀深

山細雨正扶犁

三月二十五日感作寄三兄

六五衰翁淚暗垂今年今日更堪悲卽看峻阪奔輪際

香

句我今六十五走若下阪輪已過高堂易簪時多病弟兄仍健在故鄉

耆老尚存誰平生憂樂無窮事說與兒曹恐未知

四月三日慈仁寺同人補袂和少泉感懷韵并簡研

鄰光署

花片成茵絮作氍燕臺留滯又經年恰逢首夏清和候遙
見西峯紫翠巔閏歲春遲宜補袂歸裝詩重已盈編紅塵
影外桃源路到處山川總豁然

餉鮓何煩問老漁編籬儘許賦閒居一官且遂娛親志二
酉應探濟世書定有虹霓騰劍氣未容苜蓿戀槃蔬鄰房
笑說新蒔熟法酒還堪餞客車

次日研鄰招飲聞良
醕署有明時舊醖具

占雨

四月六日丁亥

丙丁占穀雨里諺記田公

吾鄉農占穀雨後常以丙丁日雨

機已一爻動

氣猶三月中

十一日始立夏

舞號情更迫杯琰術難工竟日竹闌

外東南盼好風

夜雨連朝喜作

四月八日

昨移盆花遮破籬瓦餅往來井之眉明知春雨望已絕綆
汲聊復蘇渴飢顛風午息莫雲合睡起忽聞檐溜垂開門
燕雀競相賀覩土已逾三寸滋不知隴麥抽幾許窗竹一
笑橫新枝西街寺粥苦難繼東市米價應少衰龍星體見
萬靈埃和氣醞釀銷羣苗病翁胸中如有詩所樂何事慙
其私且參玉版散花雨結緣欲斂無言師

釋家以四月八日爲結緣日

月夜早起

薄被催人起疏鐘送曉來風林元自定月闌了無猜孤坐
萬緣息靜觀羣動該明朝有嘉客花徑埽重開

四月十九日長椿寺看花遂齋月公南堂次滌甫給

事韵

同遊者王嘯山鴻臚發桂龔養和
舍人自閩叔雨觀察自閩昆弟

鄰舍蜜蜂醉已久書巢老蝨空自守看花難得素心人坐

客都無寒具手

是日同觀朱澤
民山水長卷

街西古寺晨粥散門外殘

紅輭塵厚花天無風良獨難玉版同參信非偶爾來蓮社

寬酒律每誚釘槃止三九水齋至今奉師戒蔬筍留賓忘

組綬或摩黔崖證禹碑或舉晉解思周貞天葩古豔出金

石似笑風人燎且憫都城黃紫門姚魏足繭肩頰壓擔走

兩叢高倚祇樹園廿載寒泉一瓦甌求詩問法了無礙卽

色觀空任所取試看鐵釜生青蓮散作醍醐千萬口

寺方散粥

棠枝並照羨村鄂蘭臭同心感寮友媿我桃花飽餐飯勞

君綵筆貽佩玖松下高風五月秋寒裳更步蒼髯後

去秋君有

慈仁寺松間曉步詩

紅巖碑歌爲王嘯山

發桂

作

嘯山典試黔中得摩崖拓本劉寬夫坦題呂堯

仙仝孫重摹縮本並記

紅巖插天黔西陬上有萬古不死之赤虬擎雲掣電鱗角
出化爲雨粟神鬼愁方圭員璧羅尊白金繩鐵鎖珊瑚鉤
或云誓苗碑遺自蜀武侯漢隸俗書那髣髴二篆史籀俱
非儔或云殷宗伐鬼方鑿山勒石銘厥幽傅巖一夢且圖
象三年偉績豈無文字留後人好古喜觀怪鐘鼎款識窮

彫鏤何況爻頌燦然簡冊具震用來享聲靈道叱馭使者
片紙收黎火一照回雙眸毘陵中丞手摹本疑是湯孫有
綴旒細觀刻畫體尙質祖辛父癸差相伴千搜萬索忽在
眼韓公浪自悲猿猱峒嶠碑邽陽鼓石不能言器則古羅
施鬼國今編戶神物晚出斯爲伍我詩姑質王劉呂才薄
敢望博士愈

附錄呂記

右碑文在安順府永甯州五十里之紅巖山磨崖文字
奇古三十餘字碑高丈餘寬廣倍之歲久剝落筆畫猶
可辨識俗傳爲諸葛碑則以其地有諸葛營也無論武
侯軍此史冊無徵卽考之漢隸文殊不類或有釋爲殷

高宗伐鬼方紀功之刻者細繹釋文亦多穿鑿附會似
難徵信然其結體古茂字畫渾勁與鐘鼎古篆相類直
足上儕禹碑其爲三代之物無疑也購搨甚難非疊架
重木築數十人之力不能得一紙爰依其丈尺以十之
二縮臨此本以便觀覽咸豐壬子長夏陽湖呂佺孫識
黃寸園

足民

端陽景物小幀嘉慶庚辰歲作也重裱

題句

殘絹尙新裱故交安可忘白頭一彈指三十七端陽

夢中詩

月石足抵雙南金南金不如志士心志士之心何所見石
泐金寒心不變刻石作肺鏤金作肝無血則枯無心則頑

烏序鳥蟲紛紛不可讀寥寥此心誰爲傳

丁巳之歲端午次夕夢人以古器來若尊缶之屬文字
從衡離合不可識欲紀以詩得二句遽寤急尋殘夢竟

續成篇

并記

次韵寄郝夢山

臺魁

同年絳州

壽眉仙骨想神全蘭芷盈階竹數椽萬卷尙聞君坐擁九
衢空笑我車懸淀園小聚猶如昨絳叟重逢不記年

前使
隴時

往來驛館
再與君見

看取鳳毛雙濟美禮堂眞合老而傳

君七十又
得一子

罌粟花歎

如何美人花化作芙蓉土誤入藥籠中此身難自主瘴海
飛火輪天魔散花雨著人心骨醉養此百年蠱自從蜃市

開掘載利姦買呼龍種瑤草勢欲劫鳩扈直愁地力盡九
穀爲之腐嗟爾米萬囊結實比黍稷飢餓不能救轉自灼
肺腑得毋妖豔姿甘受羣鬼侮白骨銜沉冤黃金買歌舞
噓吸兵燹餘不懼神靈怒氛煙出口鼻淡巴菰鼻煙雅嗜
片皆自洋來嗜
欲迭攻取人事各有漸孰與司防杜此花亦何辜衆草羞
爲伍吾將訴炎農竟欲刪藥譜非種悉鋤去無令媚田祖
九州大瀛海日月照臨普豈爲一物慈忍彼衆生苦夏雨
旣云足扶疏繞庭戶歎息復何爲所思老農圃

詠莪相國示讀松風閣近作有題余所贈華岳圖詩
次韵奉答

我本晉鄙人結廬近潛邱老病滯京國家山虛臥遊夢中

青蓮華遠接天西陬卅載兩經過惜未攀巖嶂古翠落襟
袖一紙空復收每望太行雲遙指仙掌秋公今作霖雨傅
巖應旁求此圖合持贈我亭已休休聚米畫山谷靜對資
冥搜中條太華間元氣爲詩留坐聞松風聲心有江海憂
曾雲已盪胸公詩有岱宗
會登眺之句玉井方洗頭尙憐失羣雁汾水
心悠悠

爲王嘯山補書槐圓別墅舊額并題

綠陰圓處得三槐嘉客時時共酒杯知有音聲暗相報十
年曾聽讀書來

長夏卽事

涼棚初起晝沈沈小拓紗窗納綠陰投餌陳魚元不計解

懸縱雀亦無心閒談杯酒鄉音熟

時舒敦兩姪友直友老麟兩姪孫俱在京寓

覺雲山畫理深自有空庭容廣步未妨疏嬾是清吟

嘯山以紅巖碑縮本見贈次滌甫韵賦謝

禹績仍留未鑿山商書不紀勒銘還至今篆刻疑三古如
見聲靈震百蠻拓本流傳鐘鼎外浮槎載取斗牛間卽看
文德敷荒徼銅鼓銀簪盡款關

少泉以余訓和諸詩裝冊鳬薌前輩見而題之次韵

奉謝二首

倦鳥歸林任所之詩篇付與酒杯持江城玉笛催人別又
是桃源放棹時

敢道雲龍上下之鉅鐘容我寸筵持等閑卻被柴桑笑不

見西廬唱和詩

此年與鳬翁時有酬唱

歸安姚正甫

承與

爾雅通解稿本書後

邵

晉涵藎行二雲郝蘭皋

前驅迴絕塵後來追步亦艱辛豈知爾雅

蟲魚注卽是當時磊落人文字遠徵三古訓淵源旁涉九流津紛吾豹鼠終難辯誤讀空餘老病身

黃小松

易

嵩洛訪碑廿四圖爲李竹朋

佐賢

題并簡

何子貞

紹基

黃侯嵩洛游訪碑自開元杖策汜水東山勢橫蜿蜒遂攸密高門取徑由轅轅少林倚少室面壁初無言石闕何岩巖篆刻遺荒原森森漢時柏劫火不敢燔尙疑啟母石祕簡緘璠璣嶽祠鎮中央衆峰四屏藩石淙下無地上接天

池源黃葢間積翠塢幢連頂蹕玉笙出綵嶺鸞鳳鳴且鑿

盧君舊草堂武子

虛谷

新山軒千載有同調幽澗琴潺湲

石交榻頻下勝彼穉與蕃洛陽名蹟多白馬雄祇園龍門

香山間樂天昔攀援北邙望太行丹翠秋陽暄歸途及冬

朔去時籬菊繁蠶留手痕一洗沈埋冤蓬萊老仙吏畫

鹿雙輪幡岱圖世並傳墨采騰龍鵠竹朋得其龍觀齋闌

其樊譴謾爲題句幸止廿四番向禽儻作繪五岳詞更煩

自嘲復自解坐客且莫喧詩境倡先聲

每圖覃谿先生皆有題記

諸老

和篋壘近者何太史健筆埽詞垣況從泰華還飛屐天風

掀峨眉瓦屋吟口海波瀾翻周旋壇坫側其敢屬囊韉操

觚且急就聊以志弗諼臥游吾老矣蜚叟真如蜚

子貞晚號

節錄廿四畫記

開元寺鄭州城西等慈寺汜水東關二里許輟輟關一名嵩嶺口在少室北登嵩境始

於少林寺少室五乳峯下少室石闕邢家鋪西荒原嵩陽書院太室南麓門外

此有漢柏開母石闕崇福宮東數十步闕北啟母中嶽廟

嵩山黃蓋峯之陽廟石高三丈廣如之疑星隕也中嶽廟

前太室神道雙闕石淙間想見盧鴻草堂之勝此會

善寺積翠峯下門前嵩嶽寺嵩陽緱山緱氏山在偃師

嵩少諸峯三面環列誠仙境也武后昇小石山房偃

仙太子碑題目一行碑陰上半皆薛稷書小石山房師

武虛谷得晉征東將軍平等寺寺址在義井鋪白馬寺

洛陽寺大覺寺東魏大覺寺碑韓毅書武虛谷得龍門

有方塢洛陽城東老君洞龍門伊闕洞壁刻經明人鑿伊奉

山洛陽城東老君洞龍門伊闕洞壁刻經明人鑿伊奉

先寺老君洞北香山伊水之東自龍門舟渡公山嵩洛歸

先寺老君洞北香山伊水之東自龍門舟渡公山嵩洛歸

及嶺見黃河如帶南瞻嵩嶽北眺太行秋色渡河至孟縣出城東

太行與人指宋八陵隱隱可見返無日不見太行山色晉碑晉太康十年太公嘉慶元

年九月自開封至嵩洛十月經懷慶衛輝東還往返四

十日得碑四百餘種遊展所經成此廿四圖以志快幸

錢唐黃易

孔敘仲舍人見示錢唐戴侍郎山水小冊卽題其後

侍郎自是山水人偶以冠帶纏其身一朝點筆破空去如

鶴出樊魚脫綸西湖眉黛爲君嫵借我湖光洗塵土招隱

曾憐祁孔賓去年寄我溪山尺幅掉頭還憶孔巢父眼明再見湖上

山褭宛冲融相對閒就中兩紙更奇絕峭壁寒林照積雪

江南江北總愁人十年重惜燕臺別誰道先生歸去來煙

雲往往落天涯歲莫懷人一尊酒留將雅集續韓齋

韓齋雅集

圖卽戴畫也

孔恭愍公蘭竹遺墨

公諱毓沂今畫軸藏敘仲舍人家卽公五世孫也

游藝尙傳蘭竹石多能奚止畫書詩遙知禮樂編成後正

及南山獻壽時

作畫時康熙五十三年及南山人也公年五十有八

夏至日荅鳧翁前輩

一年今日最長日閏歲時光憐老佚晨起風雷捲地過午

陰槐竹圍窗密鄰叟園蔬對酒傾詩來又聽打門聲玉溪

好句誰人解臥病空堂雨未成

附鳧翁詩

臥病空堂雨未成晚暄催取葛衣更加餐恰得園蔬力

我似王瓜五月生

閏午日書懷

重五四逢閏百年強半過壯心隨病減老境入詩多亦有
家山夢其如江海波蒲觴還勸客莫惜醉顏酡

海鳥

海鳥曰爰居遠東西海西如何九萬里翩然魯郊栖將母
風爲蓄中道胡不迷古者雉獒貢思患防端倪異哉臧孫
智曾不故府稽一朝鐘鼓饗漸及幣與圭初筵尙震駭久
乃甘如飴樓臺蜃市旁出入千虹霓海鳥非一族同居情
則睽箕斗天漢高烏鵲橋梁低織錦能幾何報章終日俟
天風吹海水青冥安可梯午日今再中爲語桃都雞

三兄寄示詩文題後奉荅

老子今猶興不淺家書往往寄詩文殘年哀樂憑消遣萬
事升沈屏見聞別夢易醒燕市酒歸心難逐太行雲何時
海內干戈戢十畝兄耕待弟耘

慈仁寺柏槐皆數百年物也元時雙松今已補植獨
此蔚然尙存閏夏雨後與客納涼其下歸而賦詩以
張之

慈仁古松不可見雙龍變化今成三尙餘鱗甲入圖畫僧

繇妙筆傳精藍

張詩船有
雙松圖

其旁柏槐顏更古蒼髯老友彭

與聃游人題詠顧弗及時有野鶴相對談直榦豈曾作蟠
屈清陰亦復能包含念茲嘉樹欲延譽才薄固知起不堪

今日涼堂雨送客萬綠一洗神姿酣柏兮槐兮四君子衣
冠甚偉鬢眉幾回看三松少氣色黃綺山立蕭曹慙苦心
堅節閱世久時乎未遇沈淪甘西山偃蹇城之南欲往從
之車脫驂松壇竹院忽有得坐臥其下吾非貪似聞空谷
足音喜佳處早已留茅菴頤借竹院過夏

閏五日張石卿

亮基

招同嚴仙舫

正基

鄭小山

敦謹

宗滌甫

稷辰

王英齋

發越

集長椿寺清齋苦茗作永

日談次滌甫韵并呈諸君子

幽栖近僧寺老病得休寢重五四逢閏餘年任天遣敢希

眞率會幸免儔侶厭彭城方蒿目濟時心未倦

石卿以目疾在假

楚材國之楨松桂蒼且蒨

仙舫通政小山太常

越吟獨清烈冷然御

風善

滌甫近作治然爲御圖

蔬茗展嘉節儉歲無侈願我士懷瞿瞿

日月逾急箭將從潞子歸采藥分野饌

英齋時亦致仕

時艱米價

踊地僻林花絢黍苗且待膏樾暘誰爲扇江海洗兵甲一

雨崇朝徧感奮及衰朽轉移在時彥無肉未必瘦有酒不

遑嚙君看九衢塵車馬日馳轍門前有翳桑回顧足悲戀

微雨晚步

閏五月十九日

揮汗送長晝灑空來片雲夕陽明處見深樹靜中聞幕燕
欺風力盆魚惜水紋微涼宜病叟強步敢辭勤

夜雨達旦疊前韵

莽莽飛檐瀑沈沈潤礎雲氣蒸三伏始

是日入伏

聲徹九霄聞

白髮憐新沐青苔踐舊紋閒居免炎赫誰識

聖心勤

題滌甫給事浩然爲御圖

畸人乘眞以氣行雲車往來白玉京洪厓浮邱衛叔卿其
道窈冥遺世情列莊二子猶近名御風之說泠然清欲往
從之愁尹生越有宿儒德充盈養氣無暴老而嬰浩然獨
與道義并曾夢羣仙抗手迎曰吾有願無它營吾師子興
心久傾作圖是用堅吾盟世人不知疑且驚姬將告汝以
至誠語非其人喪厥貞褻紉亭叟短鐙檠學道無成守硜
硜河上老公氣亦平驄馬雖瘦轡則輕顏闔東野技孰羸
劇旁劇驂皆夷庚懷哉且毋歸志萌

閏夏雨後長洲相國見訪適避暑慈仁雙松之下未

獲晤談詩以謝之

沈沈伏雨長青苔深巷無人遠市埃松下偶尋雙鶴去門
前偏引八駟來傳家珠玉容先覩頃以先澤詩翰示觀屬爲題記埽徑蓬
茅惜未開日暮蒼茫成獨立西山目送片雲回

題符南樵孝廉

葆森

半畝園訂詩圖

時選刻國朝正雅集百卷

別裁雅集溯權輿高蹈文章盛

國初百二十年壇坫在風流直接沈尙書

小已何如大雅材論詩自古有衡裁一言會得無邪旨曾
是鉤章棘句來

筆海詞林萃萬端搜羅差易取材難亦知巖壑奇無盡留
作他時粉本看

入畫名園得舊基清尊短榻款賓時翩翩誰似佳公子半

畝能容萬卷詩

樸山侍郎崇實所居曰半畝園

次韵少泉謝瓜

古剎雙松追暑宜君方揮翰坐經帷
驅瓜偶佐漿冰薦飛藻先教筆露垂
客館光陰催節物家園采摘及秋期
燕臺我亦同匏繫多媿瓊琚報好詩

李仙窺壺圖爲仁圃戲題

壺中日月閒復長何爲跳出壺之外
又從壺外窺壺中紅日照空一世界
吾欲借君鐵拄杖并此虛空亦打碎
君言此中可著酒醉鄉廣大人間隘
不如閉眼塞其兌

閏五月二十八日王子梅

鴻

招集顧祠何子貞爲亭

林先生閏生日詩次韵奉荅

君歸自東不遑憩與客同修顧祠祭再來市月逢閏餘松
下奉觴儼坐待笑君拄杖來謁師急求扁鑰已後期先生
生日亦可閏它日當以詩傳之朝有鸞燕家有集古者上
壽無專日何況事師更無方請君不必稽舊帙

奉輓陶臯薌

樑

少宗伯前輩

憶昔登科初後公惟六載弱冠甫過二公年長及倍習儀
瀛洲亭始識公風采聞公少擅名文壇樹矛鏢早入王錢
室覃思得模楷詩如連城璧詞亦珠百琲晚成敢笑援一
舉乃知隗祕館方紬書官軍正授鎧忠義及興臺聲名動
朝宰

嘉慶癸酉年事

五馬一麾出浮沈涉宦海回風偶退鷁直節

遂冠獬終爲國屏藩入作

帝元愷任官兼考禮公望屬鼎鼐憂時怒如擣善行敦不
怠去冬抱微疴歲杪組暫解豈謂不憖遺百年竟難待

朝廷軫耆宿

襲榮式寮宋翁固矍鑠哉文學實嘉乃當公大耋年賤子
病且殆繩牀藥裏間垂問勞每每語以健步法神完氣不
餒七發嗟未喻三折但餘悔比年誦公詩老筆花生彩觴
詠寓哀樂歲月送瀟灑昨復示新句一紙斜行矮空堂雨
未成臥病興難罷曲高識者希勉和媿凡猥長椿再相見
扶杖手承頰疏弦頓絕響芳塵倏遺躡亦知躡箕尾逝將
覽溟渤空谷無足音誰與佩蘭茝公誠神仙流此度卒不

改至今香山社問年尙疑亥宋寥城南宅近市乏爽塏柴
桑有令子松菊徑猶在老成日凋謝感舊足悲駭忘年交
有幾晨星何磊磊揮淚望大江東去不可匯

春明六客圖爲王子梅

鴻

題卽送其還濟南

六客中有三韓士

李尚迪
藉船

海內天涯共知己阮公題後圖

畫傳卽是雲林六君子酒酣拔劍歌莫哀舊雨春明今又

來不知八友松陰下東絹它年誰爲裁

子梅招集顧祠主
客八人孔王卽六

客中
人也